

CUMÜN DA SENT



# Il mas-chalch da Sent

Publicaziuns officialas. Cumpara seguond bsögn.

2012-2014

no. 7

7554 Sent, 28 gün 2012 / cl

## Radunanza cumünala

La radunanza es gnüda fixada sün marcurdi, als **4 lügl 2012** a las 20.15 in chasa cumünala.

### Tractandas:

1. Protocol da la radunanza cumünala dals 1. mai 2012
2. Rendaquint cumünal 2011 (quint da gestiun, quint d'investiziun, bilantsch cumünal e rendaquint da l'amegliaziun generala)
3. Rapport da la cumischiun sindicatoria
4. Cumprita "Pneulader Liebherr" – Credit fr. 42'000.—
5. Orientaziuns
6. Varia

La documainta da la tractanda 2 po gnir retratta a partir da subit in büro cumünal d'ürant las uras da büro.

### Il Cussagl cumünal

## Vacanzas da pratcha dal meidi / Praxisferien

La pratcha dal meidi es serrada da **gövgia, ils 26 lügl 2012 fin dumengia, ils 12 avuost 2012**.

Sur il nomer d'urgenza dals meidis da chasa d'Engiadina Bassa **081 864 12 12** vegnan Els/Ellas colliats/colliadas d'ürant 24 uras al di e 7 dis l'eivna directamaing cul meidi da chasa chi ha servezzan.

Die Arztpraxis bleibt von **Donnerstag, 26. Juli 2012 bis Sonntag, 12. August 2012** geschlossen.

Über die Notfallnummer der Hausärzte des Unterengadins **081 864 12 12** erreichen Sie rund um die Uhr an 7 Tagen der Woche direkt den diensthabenden Hausarzt.

**Dr. med. Iris Zürcher**

## Cumün da Sent

Nus tscherchain pel cumanzamaint da l'on da scoula 2012/2013

### persona per dar uras da sustegn da rumantsch

ad uffants da lingua estra chi cumainzan la scoulina. Il pensum as drizza tenor il bsögn.

Annunzchas sun d'inoltrar a Jon Cantieni, pres. dal Cussagl da scoula, 7554 Sent,

tel. 079 655 32 07, [cantienijon@bluewin.ch](mailto:cantienijon@bluewin.ch).

### Il Cussagl da scoula

## Urari da la biblioteca d'ürant la stà 2012

### Fin als 30 gün e davent dals 1. settember

Lündeschdi	16.00 – 17.00
Gövgia	19.00 – 20.00
Sonda	16.30 – 17.30


### Dals 2 lügl fin als 31 avuost

Lündeschdi	19.30 – 20.30
Gövgia	19.30 – 20.30
Sonda	16.30 – 17.30

**Biblioteca cumünala Sent**

# KINO

## OpenAirSent



### 9. OpenAir da KINO a Sent 19-22 lügl 2012

#### Stimada populaziun da Sent

Grazcha al grond agüd davart da blers indigens e grazcha al sustegn da divers sponsurs ans esa pussibel d'organisar il 9. OpenAir da KINO aint in Plaz! La tribüna es postada, il projectur, la taila e'ls films vaina reservà.

No eschan persvas d'avair tschernü darcheu ün program attractiv per tuot las etats:

**MONSIEUR IBRAHIM ET LES FLEURS DU CORAN** es ün bel film da Francois Dupeyron cun Omar Sharif illa rolla principala.

**MINE VAGANTI** da Ferzan Ozpetek es üna cumedgia all'italiana cun purtrets fich poetics ed amüsants.

**EINE WEN IIG, DR DÄLLEBACH KARI** es il plü nouv film da Xavier Koller cun Nils Althaus e Carla Juri. – **Xavier Koller**, il regissur e vendschader d'ün OSCAR pel meglder film in lingua estra (Reise der Hoffnung 1991) sarà preschaint sonda saira. La moderaziun ha surtut **Roger de Weck**, directur general SRG SSR.

Sco film da famiglia vaina tschernü **FÜNF FREUNDE**, ün film d'aventüra tenor Enid Blyton.

Quatter fuormaziuns da musica (**Curdin Nicolay**, chantatur - **Musica Instrumentala Sent - Chapella Tasna**, musica populara, **Band TSU cun Otmar Derungs**, roc) pisseran mincha saira a partir da las 20.00 per la bun'atmosfera.

No sperain ch'eir vo sajat da la partida e's giavüschain fingià hoz bun divertimaint!

Abunamaints per tuots 4 films (52.--fr. invezza da 60.--fr. / plazzas reservadas!) vendan las Bancas Chantunales da Scuol e Sent. Singuls bigliets as survegna mincha saira a partir da las 19.30 a la chascha in Plaz. I'l cas da trid'ora muossaina ils films a las 21.45 aint il kino da Scuol.

Andri Lansel ed Andri Gritti

Daplüssas infuormaziuns sün: [www.sent-online.ch/kinoopenair](http://www.sent-online.ch/kinoopenair)